



新判助学考

下

ホ 4
1855
2止



和20
2487
2-2

助字考證

○目錄下

○焉也

焉哉

焉爾

焉而已

焉爾矣

焉已耳

焉已矣

已焉矣

焉耳

焉已

焉止矣

焉爾也

焉耳矣

焉耳已

1855
2

焉已也 焉爾已

焉已哉 焉已邪

焉乎哉 焉爾哉

焉而已矣 焉而已耳

焉耳而已 焉而已也

焉而已哉 焉而已爾

○乎哉

○哉乎

○已夫

已爾

已耳 已也

已乎矣 已哉

已耶 已矣

已乎哉

○耳也 耳矣

○爾也 爾矣

爾已 爾乎

○而已 而已也

而已矣 而已耳

而已爾 而已焉

而已乎 而已邪

而已哉 而已焉爾

○而已焉也 見焉也部

○而止 而止耳

而止也

補爾哉 耳哉

耳已矣 而字義

助字考證卷之下

○焉也

成婦禮明婦順又申之以著代所以重責婦順焉也

昏義

遂以贄見於鄉大夫鄉先生以成人見也成人之者

將責成人禮焉也 同上

或問大衍之數易之蘊乎學者莫不盡心焉曰大衍

易之末也何必盡心焉也 易或問一無也字

仁者樂如山之安固自然不動而萬物生焉也 論語古注



孔安國曰以仁為己任重莫重焉死而後已遠莫遠焉也同上

吾是以低徊久之而不能默而已焉也金穀似新稿

小宗四太宗一并而為五宗其變至於無窮皆自於

公子故曰不為宗而宗之道出焉也歸震川集公子有宗道論

趙孟之所貴者趙孟亦能賤之也夫其必有待於人

之子我而貴亦不能保人之不奪我而賤是其貴其

賤皆係乎人而已無與焉也吳文正集講義

所謂存心者非拘執係縛而加桎梏焉也朱文

○焉矣其意最為深切古今註家未之及也

箕子丁寧反覆之意最為深切古今註家未之及也

不敢自謂有得箕子之心於千載之下然世之君子

因文求義必於子言有取焉矣歸震川集洪範傳跋

張濤曰吳生取素問各注一其指歸故曰吳注見吳

生有功於素問也余將乞靈素問除迷醒之疾則於

斯注不無藉焉矣素問吳崑注序

吾雖欲出意見論利害聽命於幕下而吾州乃無一事可假而行者又安得捨己所事以勤館人則滕王

閣又無因而至焉矣韓文蔣曰或無矣字

在入世未深者輒云坦懷之可慕夫吾豈無慕坦懷者第深於其間而有反我意之處則悔生焉矣夫悔之其亦誰咎也試牘文庶清揚方喬

○焉哉

我入自外室人交徧適我我已焉哉天實為之謂之何哉邨風

○焉耳

銘明旌也以死者為不可別已故以其旌識之愛之

斯錄之矣敬之斯盡其道焉耳檀弓

及入而樂者順而易不知而不愠者逆而難故惟成德者能之然德之所以成亦由學之正習之熟說之深而不已耳學而集注

其所以三年而止者特聖人立為中制使不可過焉耳大學衍義

大王見季歷生昌而欲以位傳之者以其有賢子孫可以望其國祚之綿洪焉耳胡雙湖周武紀

見其善人多而猾賊匿焉耳而不知其驗而斥之也

見其繁剽而錯剖壅決而焚解焉耳而不知其竭力
勤之也見其荒蕪闕疆場飾焉耳而不知其警情集
之也見其不矜己不凌物焉耳而不知其守一俟之
也見其乏不懼匱不憂焉耳而不知浚源防歉之有
道也

李空同說農
贈薇山子

天子無外安得而言出然而言出者德不足以君天
下而位號存焉耳諸侯不生名惟死而告終然後名
之然有生名者德不足以名君子而位號存焉耳

注

禮曲

孟軻之書非軻自著軻既沒其徒萬章公孫丑相與
記軻所言焉耳

韓文

夏殷周之衰也諸侯作而戰伐日行矣傳數十王而
天下不傾者紀綱存焉耳秦之王天下也無分勢於
諸侯聚兵而焚之傳二世天下傾者紀綱亡焉耳

○焉爾

唯祭祀之禮主人自盡焉爾豈知神之所饗亦以主
人有齋敬之心也

檀弓

其培之也非恩之也其覆之也非害之也咸其自取

焉爾

大學衍義

夫祀先王所以佐教也未必神之今其曰昭孝焉則可也自息民以下咸無足取焉爾柳子厚非國語

○焉已

使造父駕馭膝駝乘且則千里一息矣夫善用入者之能致治亦若斯焉已群芳一覽慶隆辛未會試用才

○焉而已

周公以王之言不可苟焉而已必從而成之邪柳文

孔子奚詆詆在道法離焉而已故道法離雖鄭衛出

于春秋詞非不工也而聖人必刪而絀之道法合雖

秦誓出于戎狄詞非獨工也聖人反存之列六經之

中善是聖人所為文其大槩可知已胡直答瞿睿夫論文書衡廬精

舍識稿○字正甫羅念庵弟子

苟為無志而所習與聖賢殊雖以舜禹自名亦妄焉

而已夫孰以為可乎方孝孺習庵說

不知務道德而第以文辭為能者藝焉而已噫弊也

久矣周子通書

朕心所恨者此焉而已晉書慕容垂傳

功字考證下

○焉止矣

厥彰厥微匪靈弗瑩剛善剛惡柔亦如之中焉止矣
二氣五行化生萬物通書

○焉爾矣

嗟乎豪傑之士亦若此焉爾矣李贄與焦竑書古今文致

學言曰上士貞其身移風易俗中士自固焉爾矣下

士每遇風俗則身為之移北溪含毫

節鎮之極望焉忠焉爾矣夫望非威德弗隆忠非勲

伐弗顯者也黃衷新寧奏凱叙

子突不勝五國使之得入也其亦不幸焉爾矣幸不

幸命也守義循理者法也春秋胡傳

以公之政治公之鄉宜無難焉爾矣文範揚一清遂菴送彭太守序

○焉爾也

是以君子見大水必觀焉爾也家語

然則何以三年也曰加隆焉爾也焉使倍之故再期

也由九月以下何也曰焉使弗及也故三年以為隆

總小功以為殺期九月以為間禮記

○焉已耳

助字考證下

玉池堂反

是故知公者謂簡焉已耳而不知剽繁者具也謂質焉已耳而不知其內文而外素也謂退遜焉已耳而不知其果之不顧也是以有疊疊之修而寡赫赫之譽也久矣

李空同贈董公序

於是作導道之錄錄其正以救偏錄純以救駁錄要以救歧錄是以救非錄本以救末凡以反真焉已耳而世之人顧猶疑之而不導同上導道錄序

○焉耳矣

梁惠王曰寡人之於國也盡心焉耳矣孟子子

子思曰喪三日而殯凡附於身者必誠必信勿之有悔焉耳矣檀弓三月而葬凡附於棺者必誠必信勿之有悔焉耳矣檀弓

夫銘者壹稱而上下皆得焉耳矣是故君子之觀於銘也既美其所稱又美其所為祭統書與易春秋經也聖人於是乎盡其心焉耳矣今其文相戾悖如此欲人無疑不可得已韓文策問

孔子於鄉黨恂恂如也遇陽虎必曰諾學孔氏者不恚於是則吾無望焉耳矣柳宗元說車

為公藝者宜曰臣家所以同居之久由婦人不預外事也如此萬分一其有警焉耳矣胡寅唐高宗記

因月之虧盈而置閏是主乎月而有閏也百官脩其政於朝庶民服其事於野則主乎是焉耳矣春秋胡傳

夫不肖之與不明其相去何遠乎然則司考校之與諸士亦均有責焉耳矣王陽明鄉試錄序

仁者知者百姓日用不知者謂為分殊則是楊子之義墨子之仁百姓由之不知道者皆當為分定不可

移易而人無責焉耳矣恐未可也申言上胡直集三十卷

是故君子之學也於酬酢變化語默動靜之間而求盡其條理節目焉非他也求盡吾心之天理焉耳矣王陽明博約說

○焉已矣

夫文者托物以宣者也故古之壽有曰白者月者山者川者岡者陵者松而栢者凡以達愛焉已矣適有叢桂於是作叢桂之歌李空同贈汪時嵩序吳生於是俯而思仰而歎曰大哉對也往謂臣之直

也問焉如蒼焉已矣諍焉如雲焉已矣同上直臣字義

知其杼哀焉已矣而不知其聲噍以殺也同上結腸搽譜序

優伶之言不貴于時者非其音不純華孔子所詆者

亦猶時之不取優伶焉已矣孔子未嘗詆文之變態

為也胡直答瞿睿夫

先儒之語理與性也一以為在物一以為在心是在

物在心其各相半焉已矣其又可通乎同上六錮

不見夫泰山河海乎此非丘垤行潦之所得喻其高

深者也然無殊遠乎丘垤行潦也何也類也聖人之

之于民亦若是焉已矣辨真新稿金居敬孟子義

○焉耳已

就烟霞而屏迹寵辱無所與世累無所加斯不謂之

有所樂乎公於出處之間其亦無憾焉耳已公起拜

謝王陽明送毛憲副序

豈謂其祈中之願足明君子之志哉而君子志不在

是也夫亦於失正鵠而反求之心得其似焉耳已文心

錄郭士望中庸義

○焉已也

聖人之學非徒為其心為其身焉已也故格致誠正止於至善矣推之而至於齊家治國平天下者皆其分內事也又非徒為其家為其國為其天下焉已也

林兆恩全書

余不知其他也而余之所知者知天下萬世不可一日無此三綱五常焉已也

同上

若是乎義利之間各有其本量相繫而論甚未可苟焉已也

鄉墨文庶○清人周祚顯

○焉爾已

悅慕之至而智術神焉於是小事計小利大事計大利總不外於心之所深喻也此之謂小人焉爾已

○焉已哉

人臣無將將則必誅當時陪臣大夫以及諸侯豈徒將焉已哉書弑者三十六人特亂賊之尤者耳

章氏圖書

入義文之室採周孔之蘊豈特於軒轅內經靈樞素問以及扁鵲倉公華佗仲景皇甫士安之論淹貫焉

功字考證下

已哉頤生微論
序項煜

所謂王道者豈恃不假仁不假義民不驩虞焉已哉
若有一毫安排布置之心而不出於至誠之自然者
便非王者之道也林子全書

○焉已邪

嗟嗟天生才不數而復不永因克究志若江子者何
居悲哉豈惟賈誼可為漢人悼焉已耶林時宣爰子
序明文翼運
君子所樂乎有友者豈僅曰文焉已耶夫亦曰有仁
在不可闕焉不講也鄉墨文庶
陳慎肅

○焉乎哉

言之立也於世何與焉而論其不朽乃與立德立功
者等不既過焉乎哉蘓伯衡贅說
○金華文統

○焉爾哉

長洲韓雍以功業顯頗尚崇飾方憂制家居聞公至
悉屏儀衛曰毋令陳御史知也是其所推服者豈獨
諸生焉爾哉薛應旂陳選
傳文範

○焉而已矣

回也其心三月不違仁其餘則日月至焉而已矣雅

或曰此名也彼名也處一焉而已矣楊子法言

性之品有上中下三上焉者善焉而已矣中焉者可

導而上下也下焉者惡焉而已矣韓文原性

得之於心者其術非他學焉而已矣曾文熙寧疏

○焉而已已

理宗雖能崇尚周程張朱羅黜安石以成右文之治而昧於小人勿用之戒然則理宗之理文焉而已耳

歷朝捷錄南宋紀

不然則二三子之相從於此非志於道利焉而已耳

非所望於二三子也朱文

避狄剪商亦時焉而已耳同上

○焉而已爾

故樂是人之長有年也而願之非徒知貴之焉而已

爾王遵岩壽蔡崔峯序

○焉而已也

無其民者之不可為國與其民者之不可無治子蓋誠念夫勢之大有可內而撫有斯民者之未可以

苟焉而已也鄉墨文庶陳大群湖廣解

○焉而已哉

明德之止于至善即新民之止于至善而與安止者無殊矣夫豈勉焉而已哉辨真新稿金穀似

○乎哉

一日克己復禮天下歸仁焉為仁由己而由人乎哉

淵顏

賜也賢乎哉夫我則不暇憲問集注云乎哉疑辭

子夏曰昔者夫子言之曰吾見封之若堂者矣見若坊者矣見若覆夏屋者矣見若斧者矣從若斧者焉

馬鬣封之謂也今一日而三斬板而已封尚行夫子

之志乎哉檀弓

魯人有朝祥而暮歌者子路笑之夫子曰又多乎哉踰月則其善也同上

哀哉死者而用生者之器也不殆於用殉乎哉檀弓孔子謂為芻靈者善謂為俑者不仁不殆於用人乎

哉
同上

悼公之母死哀公為之齊衰有若曰為妾齊衰禮與公曰我得已乎哉魯人以妻我同上

力字考證下

悼公之喪季昭子問於孟敬子曰為君何食敬子曰
食粥天下之達禮也吾三臣者之不能居公室也
方莫不聞矣勉而為瘠則吾能毋乃使人疑夫不
情居瘠者乎哉我則食食上同
田饒曰財者君之所輕也死者士之所重也君不能
用所輕之財而欲使士致所重之死豈不難乎哉
說苑尊賢
孔子曰昔在周公且制天下之政而下士七十二人
豈無道哉欲得士之故也夫有道而能下於天下之

士君子乎哉上同

君子之愛若人也推及於其屋之烏而况於聖人之

弟乎哉王陽明象祠記

僕亦何敢不自鞭勉而徒以感媿辭讓為乎哉同上
答聶

文蔚書

○哉乎

頌曰盛哉乎斯世今論者但知誦虞夏之書詠殷周
之詩講義文之易論孔氏之春秋罕能精古今之清
濁究漢德之所由東都賦

賓既卒業乃稱曰美哉乎斯詩義正乎揚雄事實乎相如匪唯主人之好學蓋乃遭遇乎斯時同上

使今之醫者雖行萬里不必挾他醫書而治病之要

瞭然盡目其於衛生之心豈小補哉乎醫方大成序

盛哉乎其資也後漢傳論

美哉乎子澄之言朱文

○已夫

輪扁曰是以行年七十而老斲輪古之人與其不可

傳也必矣然則君之所讀者古人之糟粕已夫莊子天道

木鐸丕振慧燈長明在天之靈其有以授我矣不然

而語言文字之守是書亦直糟粕已夫林子全書叙門人陳韶鳳

○已爾

若僕婆娑蠹魚閒聊以送餘齒已爾孫月峯論詩文書

盤庚乃反復三誥惟恐德意不下達也頑民弗靖不

殺戮之則遷徙之已爾亦奚用八誥之慇懃哉云云

惻怛懇到不達不止此所以為王道也圖書編

先聖制作本旨亦易以領會且俾學者精神併歸一

款不至渙散已爾若夫原次篇目曷敢紊亂之哉同上

漢唐宋之言孰優曰漢渾而蓄唐漸明豈至宋彌昌
弟子以告先生曰吾知聖人之道法已矣吾焉擇漢

唐宋胡直談言

其民亦人人好行意不復問法何物至攘禦仇殺時

習見桴鼓顧大要乃在推朴少別生死已爾非故挾

詐奸文法陽畏而陰甘之也王世貞送表履善審錄廣西序

世之學黃帝老子釋迦者惟知黃帝老子釋迦者流

已爾夫惟其知有黃帝老子釋迦者流已爾則余安

得不語之以黃帝老子釋迦倫屬之常以因其明而

通之也林子全書

○已耳

遡觀大古混茫漠然淡然相忘於不識不知之天已

耳翰墨全書

身為篡而身失之者羿浞已耳新莽已耳周武墨已

耳王世貞唐中紀

安得于無境之中先設一境又安得于無情之中妄

起一情而令適莫二心流轉不已也無之已耳郭士望文

錄心

力字考登下

六

玉池堂版

○已也

史斷或全篇或節文求可為後學筌蹄已也凡網鑑

南岷先生王公讀兩漢書讀而節抄之以益身心資

理道寓法戒直欲見之行事之實蓋不徒以其文之

近古已也善讀公之節抄殆未可以三代以下言語

文字概之朱柄序王廷

事事必指要陳詞昭為誠鑒務思有益於世非徒逞

辨博標奇麗為搦管濡翰之資已也王錫爵序傳

嗟夫子之知道亦難矣道者非善其一身已也孫一

家以逮天下羣物皆吾大一身也胡直答

小學者習于少儀曲禮治于詩書禮樂皆將以收攝

其心磨礱其性禁未然而非專求其文義已也同上

其心之念茲在茲誠有不能且夕寬者而非徒退食

委蛇猥云無曠厥職已也時務文式清劉

考之當時紂至無道而為商者有入不但夷齊之高

節已也史綱疑辨

○已乎

孫氏不知所以生不知所以死不知就先不知就後

若化為物以待其所不知之化已乎莊子

既云交養互發內外本末一以貫之則知行並進之

說無復可疑矣又云工夫次第不能不無先後之差

無乃自相矛盾已乎王陽明答顧東橋

無乃重於背朱而輕於叛孔已乎同上答羅整庵

○已哉

由此心之無不敬以發見於四體周旋折旋中規中

矩自然與天則脗合詎止肌膚有會筋骸有束已哉

編圖書

靜峯經濟宏抱定見定力吾人低首刀圭所施免斯

世於沉痾審矣但州郡已哉黃衷贈張靜峯節鎮鄖陽諸郡序

廬山先生之文豈止立言已哉誠嘗遵所聞而領其

槩矣莊誠衡廬衡序

天子方日新於治諸公卿大夫修羔羊之操公所以

廣大其志意為縣官培元氣惜人才開鴻昌懋明之

業者功寧僅三吳已哉王世貞贈侍御董公序

振作人才寢復古雅大授以究其用豈二疏已邪黃衷

次崖二疏叙

○已矣

始可與言詩已矣八

士見危致命見得思義祭思敬喪思哀其可已矣子

叔向見楚令尹圍曰道以淫虐弗可久已矣左昭元年

吾人之志當何求哉惟是已矣陸與朱書

其設心以為不若是是則罪之大者是則章子已矣

雜

凡有血氣者同得萬物之味以為食而辨其甘旨不

過克腹之需已矣圖書

聖人之教非有所迫而使之從也非有所強而使之

應也亦曰不肅而成已矣時務文式袁天珠孝經論

○已乎哉

夫鹿溪之野相望隆中然安石所負容後蒼生耶是

故公之垂世詩已乎哉詩已乎哉黃衷靜芳亭摘稿序

○耳也

馬融曰孝子不妄為非唯疾病然後使父母憂耳也

論語古註

又曰服勞先食汝謂此為孝乎未足為孝也承順父

母顏色乃為孝耳也同上

苞氏曰好述古事我若老彭矣但述之耳也同上

孔安國曰終始如一唯聖人耳也同上

○耳矣

仁義禮智非由外鑠我也我固有之也弗思耳矣子告

易其言也無責耳矣妻離

且也相與吾之耳矣庸詎知吾所謂吾之乎子莊

人皆曰是宰相子能恭儉守教訓好古義施文辭者

如是在選公卿大夫家之子弟其勸耳矣韓文送鄭校理序

為作佛郎機和詠君子之同聲者將不能已於言耳

矣陽明文錄佛郎機遺事

仲尼曰雖固亦無罪雖然止是耳矣莊子

○爾也

得其民有道得其心斯得民矣得其心有道所欲與

之聚之所惡勿施爾也離婁

夫夷子信以為人之親其兄之子為若親其隣之赤

子乎彼有取爾也滕文公○蒙引曰爾也二字皆語助辭

匪徒詳於紀載以博觀爾也理學類編序

其言歸于鄙何隱之也何隱爾其國亡矣徒歸于叔

爾也 公羊傳莊公十二年

○爾矣

胡所取財而室已如是其為築於道傍**爾矣** 王慎中谿橋翁

墓銘

漢唐小人安心為不善而其言亦直以利**爾矣**而宋

之小人必欲傳會經義比跡聖人使人主惑之終身

不辨 王宗沐宋哲紀

琴劍不勞畫壤如故便矣威愛通用而鎮之以素望

蓋有不言而信者謂異局而同濟者非耶廣亦良幸

爾矣 黃襄贈劉伯儒權廣東左轄叙

求才而心有不盡是不忠也心之盡矣而真才之弗

得是弗明也不忠之責吾知盡吾心**爾矣**不明之罪

吾終且奈何哉 王陽明山東鄉試錄序

以事其親則誠**爾矣**以事其兄則誠弟**爾矣**以事

其君則誠忠**爾矣**以交其友則誠信**爾矣** 同上南岡說

○爾已

貳于秋曹以參執邦典雖民自無冤之世可幾**爾已**

黃衷送王柏山人為少司寇叙

名物象數之類至紛頤矣惟是已涉者與未涉者並證於反聽收視之中令毫無自蔽爾已文心錄○郭士望

○爾乎

偃佺薦筵于瑛盤容成漂玉于葆觴將歌黃竹以噓

答據碧梧以彷徨爾乎文範許應亨七教

○而已

今之學者尚知宗孔氏崇仁義貴王賤霸而已孟子

晉政多門不可從也寧事齊楚有亡而已左傳

吾父死而益富死吾父而專於國有死而已吾蔑從

之矣同上

足以昭禮命事謀闕而已同上

奪其世守而道謀是用雖不能成功豈其罪耶亦在

任之而已文柳

徐文長集闕編而已古文拆義

豺狼所為又不但穿窬而已同上

○而已也按有此三字則上多有不非等字照應

觀夫漢高之興也非徒聰明神武豁達大度而已也

乃實慎終追舊篤誠欵愛澤靡不漸恩無不逮潘岳西征賦

苟有剛中之德致其誠意求在下之賢必有應者故困厄于前而受福于後然則昭宗之困非必不可極也特德非剛中心無誠意下急焦焦昧徐說之義是以終於困而已也讀史管見唐紀

古之聖主有聞則尊不徒聞而已也大學衍義

夫其不耕非晏然逸已而已也今天下之事舉歸於名獨耕者其實存耳其餘皆晏然逸已而已也志乎

古者為耕者之實耶為不耕者之名耶作守耕說歸震

川集

湯武之隆詩人歌之春秋采善貶惡推三代之德褒

周室非獨刺譏而已也史記叙傳

是以君子以絜矩之心繼之絜矩之政而仁覆天下矣然皆明吾之明德以及之而非若後世以法把持之而已也王伯之分正在於此王道大學億嘉靖中人

德宗秕政之不可掩者不特三者而已也歷朝捷錄足下年尚彊嗣德有繼將大書特書屢書不一書而

已也韓文答元侍御

盖民之役非以役民而已也古文析義

此書也其於道德功利之際論之當矣不特文辭足

法而已也方孝孺讀鹽鐵論

○而已矣

夫子之道忠恕而已矣里仁

堯舜之道孝弟而已矣孟子

今棄輟手獲而就鄭衛退彈箏而取韶虞若是者何也

快意當前適觀而已矣李斯逐客書

俗之所貴主之所賤也吏之所卑法之所尊也上下

相反好惡乖迕而欲國富法立不可得也方今之務

莫若使民務農而已矣晁錯論貴粟

習乎習以習非之勝是况習是之勝非乎於戲學者

審其是而已矣揚子法言

剖斗析衡而民不爭嗚呼其亦不思而已矣韓文

死者無知吾為子慟而已矣同上

至一國一州非之力行不惑者盖天下一人而已矣

同上伯夷頌

故士之行道者不得於朝則山林而已矣同上

觀夫高祖之所以勝項籍之所以敗者在能忍與不

能忍之間而已矣蘓文留 侯論

苟從事於聖賢之道且以為是而暮已悔之昔之所

為而今覺其非雖日異而月不同可也余蓋將屢驚

焉豈特一再而已矣方正學 益齋記

○而已耳

馬氏曰察馬之力必以年數馬之年必以齒凡此戒其慢君物也先王制禮圖難於其易為大於其細凡

以止邪於未形而已耳曲禮 上注

夫四端在人一也克之則足以保四海不克則不足

以事父母是以帝王之治光宅天下不冒海隅而後

之人主或以天下之大而不能悅其親之心或以通

聲色信讒邪而至於黜其配殺其子同此四端也克

與不克而已耳真西山大 學衍義

世之言曰為忠孝者未兩全夫豈然哉君父人倫之

大本忠孝臣子之大節豈不相為用而又相害者乎

抑私與義而已耳歐陽五 代史論

不藏怒，不宿怨，之心則同也。然於他人，則有可疎絕之道。而在弟，則惟當親愛之而已耳。此其異也。小學集成天下之人，聞執事之於愈，如此皆曰：執事之用韓愈，哀其窮，收之而已耳。韓愈之事執事，不以道利之而已耳。韓文

誠使古之豪傑之士，若屈原、孟軻、司馬遷、相如、楊雄之徒，進下是選，必知其懷慙，乃不自進而已耳。同上

○而已爾
大舜夷齊亦人而已爾。均是人也。聖賢之於親親，若

是其厚，而我乃甘心以薄自處，不亦甚可愧乎。小學集成

自期而下貴賤有殊，父母之喪一而已爾。大學衍義

切於君德治道者，六經而已爾。語孟而已爾。同上

知斯三者，知仁勇也則修身治人之道不外於此。自家而

國自國，而天下特推之而已爾。同上

朝廷之與居，女婦而已爾。捨是則寺人而已爾。庸人

邪人而已爾。曾文

聖人作易，作範其原，皆出於天之意。如言以下筮者，尚其占與莫大乎蓍龜之類。易之書，豈有龜與卜之

法乎亦言其理無一而已爾啓蒙

凡記載之言權其義昭其信而已爾夫修於其身以

自見於世而考異代焉黃衷修江先賢錄後叙

有如公者進修其職退信其志上不負於朝廷下不

眩於去就亦立其表而已爾見其節而已爾足不足

何庸知之同上贈左轄方公謝改叙

古人務學而已爾舉非所先也學至而舉隨之矣林

崔蒙引序

而已焉

茲王以迎續汝命于天使有今固后者得享更生樂

耳子豈以威脇汝哉用以奉養汝衆迺續此幾絕之

命而已焉督學林有孚書經利達

晁氏曰當時有稱夫子聖且仁者以故夫子辭之苟

辭之而已焉則無以進天下之材率天下之善論語古註

有義無命云云有命無義云云二者義命有正合之

理時中而已焉性理大全呂氏語

奮其所長思有所立不獨守夫一節而已焉歐陽制宋文鑒

王迹所基始自於此何止戡黎升臨之捷而已焉陳書

紀本

○而已乎

修己以敬曰如斯而已乎曰修己以安人如斯而已

乎憲問

子曰明乎郊社之義嘗禘之禮治國其如指諸掌而

已乎仲尼燕居

后子享晉侯造舟于河十里舍車司馬侯問焉曰子

之車盡於此而已乎對曰此之謂多矣若能少此吾

何以得見左昭元年命于天對齊魯國武谷將軍更主樂

桓譚亦以為雄書勝老子老子未足道也子雲豈止

與老子爭疆而已乎此未為知雄者韓文與馮宿書

○而已邪

子思曰惟天下聰明睿智足以有臨大傳曰古之聰

明睿智神武而不殺在豈塵埃濁物昏沉鎖故紙而

已邪焦氏筆乘

○而已哉

夫戎者豈特如秦楚之流入於戎狄而已哉東坡王

夷狄論

○而已焉爾

吾見其失先後之序，違緩急之宜，人之受責者將至，於有所不堪而道之無窮，則終非一人一日之所能盡，也是亦兩失之而已焉爾。中庸或問

○而止

今其傳者不過數語而止。陽明文選羅履素詩集序

○而止耳

而高帝乃木強之人而止耳。古文析義

李生之託婚於貴富之家，將以充其求而止耳。韓文

火于秦，黃老于漢，其存而醇者，孟軻氏而止耳。揚雄氏

○而止耳同上

夫道如山也，愈升而愈高，如路也，愈行而愈遠。學者亦盡其力而止耳。自非聖人有能窮其高遠者哉。溫公

集畧

○而止也

堯曰：咨爾舜，云云。彼孔子者，覆生人之器也。云云。故於常常諷道云爾而止也。柳文

助辯考證下終

夫直吹山也愈平而愈高也... (faded text)

助語義

○也

廣韻語助辭之終也○徐曰語之餘也凡言也則氣出口下而盡○盧曰是句意結絕處○意卒○李曰有決斷之詞有訓釋之詞有歷數之詞如未之有也亦不可行也不知也此決辭也如仁者人也義者宜也學之為言效也此訓字之辭也至於脩身也尊賢也親親也等語則歷數之詞耳

胤按也字本為決辭而又有疑怪之詞有指物之

辭不可拘一如何其處也必有與也及何弗思之甚也何其偉也是皆有帶疑怪意如回也不愚由也嘖道也者不可須臾離易之為書也不如叔也母也天只類是有指物之意須隨處用意凡助辭中也字最多而最難使多用則失於緩寡用則失於迫禮記大傳中多連也字明人文字甚省也字緩急之變亦時使然也

○矣

說文語已詞也○徐曰矣者直疾今試言矣則出氣

直而疾會意○柳宗元曰決辭也○盧曰句意結絕處○意直○李曰矣字是說殺了故文中用矣字則上必用則字或斯字單住方是口氣字義比也字尤緊看來如今人了字一般

胤按矣字直疾緊急專為決然之辭其用不博如文中子保終榮寵不亦宜矣此矣字作乎字看此亦一格也但不多用其餘皆同間有矣字下用而字或則字者此等句法是決而接下之詞其為決絕之詞則同如板詩曰辭之輯矣民之洽矣辭之

憚矣民之莫矣此雖每句用矣字而上下之意相
關此決而不絕者

○焉

增韻語終辭柳宗元曰決辭也○盧曰句意結絕處
○意揚○也矣焉發聲不同意亦自別○李曰焉字
殺脚比也字輕清當看文勢用之筆舌不能盡也若
焉有焉得之焉則與豈字同

胤按焉比也矣差覺緩又有作邪字用者如吾不
揣是也如輪焉奐焉息焉游焉是亦一體作輪

如奐如看如人門焉不祥莫大焉者是亦一體作
於是看

○乎

說文語之餘也从兮象聲上越揚之形也○徐曰凡
名乎皆上句之餘聲也廣韻極辭也一曰疑辭也舒
辭也○盧曰乎字多疑而未定之辭或為問語只是
俗語麼字之意○李曰此字亦有三用如君子矣乎
女聞六言六蔽矣乎則乎字重作疑辭看如不明乎
善及陷乎罪則乎字為助語辭可當於字看至如不

亦悅乎不亦樂乎讀者可不盡心乎則不過咏嘆之辭耳

胤按乎字專為疑問之詞而又有洞洞乎屬屬乎等類有於是乎類是只作也字可又設疑之詞古多用乎字後世或用耶字與字否字不字不多用乎字又可見時之變矣或不用與耶等字直為疑辭者亦間有之學者須臨時消息不可株守俗間不諳此義而漫施用焉皆不深考之所致也戒諸

○哉

說文言之間也徐案孔子曰君子哉若人是為間隔之詞也○柳宗元曰疑辭也論語有是哉禮記孔子曰祭哉註疏云哉者疑而量度之辭增韻又嘆詞也大哉堯之為君也洋洋乎盈耳哉禮記曲禮安民哉注疏云哉者美之云耳○盧曰句絕而有嗟歎之意又有如尚書禹曰俞哉左氏傳公曰諾哉却是口以為然心不以為然之意在句中如賢哉回也君子哉若人直是歎其人之果賢果君子更有矣哉也哉乎哉者哉之類文各有旨宜隨所指而味之○李曰此

字殺脚亦與乎字大同小異但不可作疑辭耳若乎哉二字連下亦疑詞也

胤按哉字有三用有間隔之辭如野哉由也此不屬贊辭有贊嘆之辭如不承哉武王之烈是已有疑度之辭賜也賢乎哉集注疑辭也

○耶 邪同

韻會語未定之辭又語助辭○盧曰歟字耶字爲句絕之餘聲亦類乎字之意此三字有如對人說話而質之者邪字間有帶疑怪之意○李曰此字亦與哉

字相近但咏嘆之意比乎哉字趣味較長如文中云此何時也而可以如此邪其婉曲之味細玩當自見矣

胤按國人文字多用乎字而希施耶歟字此字文中最不可不諳練用之焉

○與 歟同

說文安氣也徐曰氣緩而安也俗以爲語末之辭增韻疑辭也又歎辭或作歟通作與禮記祭義注與者不執定之辭○李曰此字亦可作疑辭看如君子人

與然則從之者與是也他若其為仁之本與其舜也與則文義尤頗與乎字類

胤按經書中用也與字上必有其字相應士子須記此等凡例用字之間庶免無據之失

○夫

韻會語端辭論語夫仁者孝經諫諍章注疏發言之端劉瓛曰夫猶凡也又語已辭吾已矣夫柳宗元曰疑辭也又有所指之辭語夫二三子也孟夫有所受之也○盧曰夫字在句首者為發語之端雖與蓋字

頗相近但此夫字是為將指此事物而發語為不同有在句中者如學夫詩之類與乎字似相近但夫字意婉而聲衍在句末者為句絕之餘聲亦意婉而聲衍○又曰今夫者即今之所論事意而言且夫者從寬遠說來原夫者推究其本因而言故夫者有所因而言蓋夫者以大凡而言嗟夫者咨嗟慨歎而言嗟乎亦相類意頗切至

胤按文中起頭置夫字者甚有意國人文字起端必安夫字結尾必用云爾等字皆非也不可概用

又句末用矣夫也夫等助語是決語而微帶疑怪
意如曰吾已矣夫是夫子因鳳鳥河圖之不出知
事之不遂故曰已矣而決之又不可必其遂不至
故連用矣夫字是柳子厚所謂疑辭也讀者活而
會之可也毋滯一途

○之

增韻語助也○盧曰之指也大成之殿指此殿為大
成殿也聖人之言指此言為聖人言也○凡之字多
有底字意○李曰此字取用不同如大學之書天命

之性率性之道則之字作助語辭看如云大學的書
天命的性率性的道也如博學之審問之慎思之明
辨之則之字指此理而言也又如稱之美之警之惡
之則又指其人而言○韻會公羊隱五年考仲子之
宮註加之者宮廟尊卑共名非配號稱之辭故加之
以絕也疏成六年立武宮定元年立煬宮武煬是君
仲子是妾是尊卑共名號稱者即仲子是也武煬是
君配宮言之正是其宜仲子是妾不宜與宮廟連文
故加之以絕之○又宣三年經郊牛之角傷公羊傳

其言之何緩也註辭間容之故為緩不若食角急也
成七年書繼鼠食郊牛角改卜牛○又嬾真子曰漢
大初元年五月正曆色上黃數用五註用五謂印文
也若丞相曰丞相之印章諸卿及守丞印文不足五
字者皆以之字足之後世印文榜額不以三字四字
五字皆用之字非本意矣

胤按凡之字似不可用而用之或似可用而不用
皆句數之長短文勢之緩急使然如曰漢之文帝
是明文帝之為漢故加之字朱子文如覺道之者此

等句法佛書中多有之雖不加亦可如曰亡之命
矣夫是專屬助字不有所指也

○諸

字彙之也於也又其諸語辭又諸有疑辭○韻會徐
曰別異之辭詩曰且居月諸孔曰居諸者語助也毛
曰日乎月乎也○盧曰諸之一字釋文同義却又云
有諸曰有之則諸字乃審問而味的然之意如聞斯
行諸盍去諸

胤按之於切為諸字故用諸字比之字差重

○雖韻會不定也廣韻設兩辭也一曰汎辭禮記少儀問日之蚤莫雖請退可也註疏云假令也○盧曰雖然承上文意固是如此又別發一段議論

胤按雖字尤難用不在於字義之難曉而在於所用上下之異如禮記雖父母沒又父母雖沒左傳曰君雖獨豐雖君有命及年雖少又雖年少是也弄文者須審雖字如何在君字上如何在君字下之異口訣別具難一一悉

○而說文頰毛也徐曰象頰毛連屬而下也又假借為語助詩俟我於著乎而論語室是遠而又因辭學而時習之曰是之謂也又抑辭不好犯上而好作亂者抑又之辭也又發端之辭○盧曰是句中轉折帶此聲以成文見意句首有而字亦是承上文轉說下意句未有而字却是詠歌之助聲與兮字相類偏其反而俟我於著乎而

謹按而如古通用如論語有天下而不與此以而

為如也春秋星隕如雨杜註如而也詩垂帶而厲
 箋云而亦如也而厲而聲厲也如接輿歌已而已
 而及韋孟詩企其齊而カ是助聲與兮同左傳若敖
 氏之鬼不其餒而又似有焉字之意曰憶反而遠
 而亦猶闕如茂如游焉息焉之例韋賢傳我雖鄙
 者心其好而又曰樂亦在而恐不可執以為兮字
 助聲若夫檀弓而曰然却是乃字之義乃答之曰
 然也同文舉要別載而字音焉正字通斥以為非
 然以而音焉者亦足相發遺稿偶脫此一條聊以

舊聞補之極知貂續無所免諒寬延己已士亨謹
 識

助字考證補

助字考證補

曰志存心改治士而致於治也

爾哉

爾哉爾哉爾哉爾哉爾哉爾哉

趙如璉曰祭者僅滿物云爾哉

試讀文庶

耳哉

書曰克明明德詩曰明明在上故先王明之豈特玄

之耳哉首子

耳已矣

王敬美謂胡元瑞曰吾於詩畏于鱗耳已矣今庶幾

得足下奔州史科

助字考證補

五池堂

而字義

按而字為承上起下之辭或順而承之或轉而承之其義一也如曰學而時習之曰本立而道生是順而承之如曰和而不流曰不好犯上而好作亂是轉而承之先儒不察強作因是抑又二義又云發端之辭尤屬支離○又按而字有四法有句首之而有句中而之而有句間之而有句末之而如曰學而時習之直而溫寬而栗為句間之而是嵌在一句中而字上下不可句讀如曰未有不好犯上而好作亂者也是嵌

在二句中而字上可讀如曰而謀勳干戈於邦內結東前段突在句首而字上當句絕如曰不其餒而從政者殆而專屬助辭與詩之待我於著乎而室是遠而一般多屬韻語非叙事議論之用大抵古文簡嚴漸詳漸緩故詩書易中有句中之而無句間之而論孟已來有句間之而句首之而少唐宋以來句法最長句首之而徃徃而在苟不會此訣讀書作文之間無所取義字彙立三義以而謀勳干戈為發端之而亦坐不會此訣故耳

